



UNIVERSITÄTS-
BIBLIOTHEK
PADERBORN

Provincia Avstria.

[urn:nbn:de:hbz:466:1-67086](#)

P R O V I N C I A
A V S T R I A.

SEPTEM DOMICILIIS, in quibus socij ducēti sexaginta quat tuor, Prouincia Austria continetur. In Viennensi quinquaginta octo: in Pragensi tricta sex: in Olomucēsi trigintaquattuor: quinqua ginta sex in Græciensi: in Domo Probationis septemdecim, Nouitij duodetriginta: in Crumloviensi viginti unus: in Hungaria duodecim, duobus locis. In locum duorum functorum vita, suffecti viginti tres.

C O L L E G I U M V I E N N E N S E.

IN TEMPLO NOSTRO, sub Anastasiū Domini, peccata deposuerunt confessione, hominum tria millia sexcenti viginti sex: accessere ad sacram synaxim duomillia septingenti: vndecim ad vnam speciem reducti: mulierculæ aliquot a meretricio retractæ. ad Catholicam religionem rediere centum nonaginta septem: inter quos nonnullorum conuersio haud facilis fuit. sacerdos quidam desciuerat ad Lutherū, consumperatque in eius forde, & fæce annos viginti, cum muliercula contubernali: qua viduatus cum esset, superdu-

K 3 xit

xit alteram comitem nequitiae: tum Viennam
venit, ut vocem in quæstum conferret, nomine
Concionatoris Euangelici: sic isti nuguendi se
appellant. Dei prouisu incidit in famulum Pas-
sauiensis Officialis (notum viri nomen, munus,
odium in hæreticos, tota Austria) eum suæ se-
ctæ esse arbitratus, docet causam aduentus: hic
recte simulans, Quin tu, inquit, venis ad domi-
nūm meum, tuis rationibus optime consultu-
rum? Ad illum deductus, dissimulauit hæresim,
agnito dolo: & orationem accommodans ad tem-
pus, nihil se auditoribus exposuisse vñquā quod
abhorreret a Catholica religione, iurauit ver-
bis conceptissimis. cum adhuc non ficeret fidē,
accitus est vñus e nostris, qui hominē in pristi-
na reduxit, meretricula abacta. Sed duo Dani
neque obscura familia, neque inopi, centum tri-
ginta milliaribus Viēna distantes expetierūt,
hauserūtque orthodoxam doctrinam. alius cum
longius emigrasset e fide, varijsque eroribus
se implicuisset, audita Patris nostri concione
ita commotus est, vt se Ecclesiæ reddere cogi-
taret: sed cum eius conatibus obsisteret da-
mon, bis terve hominem auocans propinquum
Collegio, agnouit tandem pellaciam hostis,
pique animo iuxta & magno, eiecit venenum,
prauarum opinionum. Alius inter proceres
non postremus, ita hæresecos corruptelæ erat
addictus, vt vitam sibi prius diceret, quā illam
defuturam: huic etiam Deus, nec opinanti, di-
siectis

sie&tis tenebris, veritatis suæ lumen ostendit: Quin etiam adolescens vnus, cuius pater Luthерanus Minister obierat, & viuebant fratres heredes perfidiæ paternæ, consilium cepit ad nos adeundi, & redeundi ad Catholicos: quod & fecit armatus piorum præsidio aduersus vim, & insidias germanorum tumultuantium. Præter apertas nonnullorum, opertasve similitates nostrorum hortatu compressas, odia detinuerunt primariorum virorum mulierumque, cædes & vulnera parturientium: Eorum qui carcere detinentur, aut xenodochijs, animis corporibusque consultum est. Pileariorum Sodalitas tot iam Catholicos habet, opera nostrorum, vt antiquam reuocarint consuetudinem concelebrandi augustissimum sacramentum die ipsius festo, sub vexillo: hoc qui facere negligit, expungunt: aduertit is metus hæreticos aliquos, aut etiam conuertit: Prosecutus est pompam Archidux Hernestus, nostrorumque industriam, & libenter agnouit, nec silentio præterijt: sua etiam præsentia honestauit drama, quod dederunt discipuli nostri, cum doctioribus præmia tribuerentur in area Collegij, magnifico apparatu: idemque suam erga nos benevolentiam assidue declarat. Nuper cum iudices constitissent legitimo in loco, quemdam daminaturi capitis, serenissimus Hernestus mandauit eum absolui: id, quia nemini dubium, quin rogatu nostrorum, obganniebat

K 4 male-

maleuoli, datum id precibus Iesuitarum. Legatus Pontificius ad Cæsarem, quamdiu Viennæ fuit, nostro hospitiovti voluit, estque a studiosa iuuentute oratione, & carminibus honorifice exceptus. Antonius etiam Bariensium Antistes, cum legationis munere fungitur, apud nos cœnatus cum esset, ita delectatus est breui quodam sermone habito a conuictoribus in disputatione & dialogo, vt in eorum horto postridie fuerit repetendus. E discipulorum numero sex in Societatem admissi: vnuis non sine pugna: vbi enim rem audiuit ipsius pater, Dynasta, ita furenter iratus est, vt nisi, restituatur filius, minaretur cædem multorum: scripsे runt ad eum nostri moderate, & placide, & ad mitigandum hominem satis apte: cum aliquantulum resedisset ira, iter ad nos intendit cum curru, vt abreptum filium, specie alloquendi, secum asportaret: igitur cum illo cum egisset, noluit repugnare diuinæ voluntati: discedens tamen orauit nostros, vt alterum filium quem haberemus in Seminario, sibi integrum seruaremus, spem sobolis, subsidium senectutis. scholæ autem numerant auditores circiter nongentos: ex quibus plerique in Hungaria, atque Austria, præcipuæ nobilitatis. sed vt abeamus a scholis, in aliquibus fallaces cacodæmonis præstigiæ detectæ, ac depulsæ. Virgo quæ curiositate primum, dein suasu diaboli dantis se in eius conspectum, audire concioneim hæretici in animum

mum induxerat, a consilio deducta. Vir qui dæmonis voce (quam Dei esse persuaferat sibi) admonebatur, super globum e crystallo, quem habebat in cista, tria sacra curaret facienda, fore enim ut ex eo vaticinaretur futura, ab illa amentia liberatus. Ceterum pia virorum aliquot illustrium, & lectissimarum mulierum liberalitate multa accesserunt ad ornatum templi, quibus creuit illius religio, & magnificencia. longum est & non necessarium commemorare singulos, sed tamen eorum memoriam gratissimis animis prosequemur.

P R A G E N S E C O L L E G I V M.

T R I B V S præclara indole adolescentibus patuit aditus ad Societatem, aliquot alijs maturius tempus expectare iussis. in conuertendis ad Deum animis elaboratum in vrbe, forisque . e varijs hæresibus emersere nonaginta: mulier in his ægrota, simul, & salutem corporis recepit: abstinuerunt ab ysu calicis viginti quattuor: Iudæa quædam mulier cum duobus filiolis sacro baptisme abluta. ad conciones ordinarias diebus festis per quartuor templa, accessere aliæ Quadragesima, maiore, quam umquam alias, auditorum numero, & fructu: sed & de his, & de Crupensi peregrinatione, eadem fere, quæ proximo anno: et Crupæ quidem sacris Paschæ ferijs panem Angelorum

gelorum manducarunt homines centum quadraginta: aliquanto plures Pentecoste, videlicet octoginta supra centum: in vrbe autem pœnitentes numerati mille ducenti quinquaginta: et experti quidā in morbo vim diuini sacramenti, siue cum placidissime expirant, siue cū præter expectationem conualescunt. repertus vnus, qui percepta Eucharistia superauit insidias diaboli mortem suadentis. Ad quoddam virorum cœnobium profectus vnus e nostris, cum multa in eo præclara statuit reuocandæ disciplinæ, tum etiam illud, ut mulieres ingressu prohibeantur: sed reuertimur ad urbem. Reconciliationes gratiarum nec inutiles, nec paucæ: carcer aditus, adiutique vincit, soluti etiam non nulli corrogata pecunia, qui ære alieno tenebantur. nec minor ratio habita aliorum egentium: sacra templi supellex aucta. Gymnasium celebratur flore adolescentium, & numero: addidere stimulos dissentibus, tum concertationes Philosophiæ, ac Theologiæ sollemnes, quibus in magna corona nobilium interfuere legati Pontificis maximi, & Catholici Regis: tum etiam præmia in repetitione studiorum, publice data. Cum litterarum studio pietas certat: magna in primis cuiusdam adolescentis constantia, qui non ita pridē ad Catholicam fidem conuersus, cum irato parente priuetur omni vitæ subsidio, mauult in paupertate apud Catholicos viuere, quam cum animæ

CHI 108

animæ

animæ periculo reuerti ad domesticas opes: alter, assecla olim, & adiutor buccinatoris hæretici, illius prauitate, & hæresum varietate perspecta, ad vnam sanctamque religionem animum appulit, vbi nunc ex errorum magistro factus discipulus veritatis, egregijs moribus animum instruit, honestisque disciplinis. Meditationibus sacris exculti nonnulli: e quibus sacerdotes duo, multas ad res perutiles huic regno futuri. Pauperum contubernium propter annonæ caritatem hac hieme imminutu: et quamquam in nonnullis retinendis enituit liberalitas aliquorum, dilapsi plerique: qui tam in propinquis duabus ciuitatibus aluntur ab uno e proceribus regni, vbi detonuerit tempestas, ad intermissum opus reddituri.

MISSIO COMOTOVIENSIS.

COMOTOVIA vrbs est in Boemiæ regno non ignobilis, sed multis abhinc annis, incubante hæreseos monstro, non solum deformis, sed etiam misera: ei nunc dominatur Georgius Maior Popel, in vniuerso Boemiæ regno a Prorege secundus, vir potestate perinde, ut religione illustris: eius hortatu rogatuque missi Februario mense sacerdotes duo cum socio, siquid opis collapsæ iam Catholicæ disciplinæ afferrent. nec minus in restitutione rituum, quam in animorum expiatione

tione laboratum: ac primum in baptismo. Ministri videlicet hæretici ad quæstum omnia referentes, interdixerant obstetricibus, ne quem domi, etiam in præsenti mortis periculo, baptizarent: et pœna erat grauissima constituta: quam cum arbitrarentur satis non esse, carcere eas primum, deinde etiam trium annorum exilio damnarunt: ex quo factum est, ut multi (indignum) sine baptismo morerentur. et ipsorum initia menta baptismatis erant inania. igitur, ut cœpere nostri baptismum præbere more Catholico, artoniti ciues, nec nihil metuentes, malebant retinere domi filios, quam ad templum afferre nouo ritu baptizandos. ex in dierum aliquot mora timore digesto, ad parœciam venientes (ibi enim morabantur nostri) collocant pueros in templo medio, & quasi deponunt semianimes: ædituus nostrorum admonitu facesse iubet, quod profani arcean tur: tollunt iterum pueros, & fistunt ad fores templi: incipitur exorcismus magno hominum concursu: tum vero admiratio omnes rei tam insolitæ defixit. peracto baptisme audita est vox mulieris magno natu, Gratia tibi Deus immortalis, quod iterum sacerdotes nacti summis, qui baptizabunt infantes ex præscripto summi Pontificis. super cetera mirabantur, & numerabant cruces in cærimonia expref fas: at suscepторem pueri tantus stupor, ac ve luti torpor membrorum omnium oppressit, ut susti-

sustinenda fuerint brachia sustinentis. Secundum hæc, restitutæ obstetrices, et suum officium edoctæ: reuocatus etiam vetus usus, ut nuptiæ religiose ac pie confiantur in templo, interprete Parocho: itemque ut mulieres non nisi eodem perductore ingrediantur in sacram ædem recentes a partu: nec minus Catholico-rum multæ cærimoniae, & sollemnes pompæ postliminio reductæ: et iam effingere signum Crucis in fronte, quod fere omnes pudebat, ple rique gloriantur: lustralem aquam domi certatim habent, eiusque usum experiuntur ægroti valetudini recipiendæ. Sanctissimam Dei matrem vespertinis horis, ac matutinis, bis die, campanæ admonitu salutant. Cantus libri que hæretici e templo sublati: in eorum locum Catholici introducti. Atque hæc de restitutis ritibus. Nunc de expiatis animis pauca adiijciamus. Conclaves diebus festis tribus in locis frequentes: & successere interdū funebres non infructuosæ: ab hæresi discessere undecim: quod non parum videri debet in agro tam inculto. sub Pascha Domini confessi centum quadra ginta: sub Pentecosten, septuaginta quinque: Persuasum cuidam, ut exigeret pellicē domo, quam habebat malo exemplo: habitæ conciones, quinque ad Collegia artificum: eorum lex siue consuetudo hæc erat, ut binas quotidie horas (sic enim vocabant) ponerent in suis con uenticulis: at nostri superstitiones eorum præ cationes

cationes cum Catholicis mutarunt: sic ut man
ne sacrificio missæ pioque sermoni, nec admo
dum longo, interessent: vespertina hora doctri
næ Christianæ, & pijs aliquot precibus (quas
mirum est, quo labore adducti sint, vt obeant
genuflexi) tribueretur. Idem instituendæ iu
uentutis modus, a prandio, diebus festis, in alio
templo seruatur. Ad hæc additum, vt Senato
res delectum noui Senatus a re diuina, & con
cione publica ordiantur: vt diebus festis, ne ape
riantur tabernæ institoriae, nisi vespertinis pre
cibus absolutis: vt in Parasceue exornetur Do
mini sepulcrum: vt sollemnia maioris hebdo
madae celebrentur sollemni apparatu: vt festus
dies Christi corporis peragatur quam fieri po
test pompa splendidissima: quod factum instru
cto atque instrato foro, & plurima face, con
uentuque longe celeberrimo. Pari ratione re
nouatus cultus beatissimæ Virginis, & comme
moratio in cælum ascendentis, eiusque lauda
tio, quæ fuerat intermissa. Excurritur etiam in
vicina loca, & hærefoes magistrorum stultitia
oratione refellitur, iuxtaque superbia redar
guitur exemplo: scilicet inuisuntur ergastula,
& tuguriola sordidorum, vinctique homines,
ac tenues, affatu, consilio, ope, gratiaque adiu
uantur: at graue illorum supercilium humilia
deserit, nec nisi vnde efflatur aliquis odor lu
cri, se porrigit: et raro ipsi, nisi spe aliquid mor
deant, ullum iter intendunt. mirabile magis il
lud

Iud fuit, cum tredecim homines educti e carcere laxatique nonnulli, & melius habiti industria nostrorum. Has ob res Princeps Comoto uiensis Collegium expetit, non solum, vt olim, cupiditate incensus, sed talibus etiam initijs in spem sublatus, religionis propagandæ.

OLOMUCENSE COLLEGIVM.

INSIGNIS laus, siue pietatem spectes, siue doctrinam, iuuentutis Olomucensis. Illud est semper attenti studij præmium, & numquam cessantis. Duodecim ex ea præclaris naturæ industriæque muneribus in Societatem adlecti . extitit suus etiam e concionibus (habitæ sunt duabus in parœcijs) fructus : ab hæresi sese recepere septuaginta, inter quos unus propugnator hæreticorum: alter corde ita obstinato, vt omnibus esset Catholicis propter fastiditam religionem infestus. sed hunc iuxta atque illum, obsequium vicit, & patientia nostrorum : ab usu calicis impermisso abstenti quadraginta sex . Paschalibus detexerunt peccata, & communicarunt in templo nostro mille quingenti : persuasum quibusdam, vt restituerent opes iniuste partas . vacillantes in fide firmati . multi ad quadragintadiale ieiunium, & ad reliquam Ecclesiasticam abstinentiam adducti . mira unius pueri in religione constantia : qui cum redisset in patriam

triām recens conuersus, moxque incidisset in
morbum, a parentibus omnem licet adhiben-
tibus machinam ad eum demouendum, mansit
inuitus: mulieres aliquot prostituti corporis
ad bonam mentem reductæ. cum in nosoco-
mio laboraretur inopia lignorum summa hie-
me, sacerdos vnuſ a præpotenti viro, licet hæ-
retico, magnam vim eorum extorsit: quod sane
officium danti voluptati, utilitati & gris, ipsis
etiam hæreticis admirationi fuit. aliis sacer-
dos, cum die ipso Paschæ corrogatam stipem
offerret infirmo, isque vocaret in partē sacer-
dotem ipsum qui corrogauerat, respuit cum
hoc dicto, 'Animorum nostrum est lucrum:
vosmetipſos quærimus non vestrā. quod dictū
suspeſere, qui circumſterant omnes, non ap-
probatione tantum, sed etiam lætitia ſecuti.
Aldobrandino Cardinali legato Pōtificio, Epi-
ſcopo item Iauriensi, Hungariæ magno Cancel-
lario, e Polonia reuertentibus, felicem reiexitū
noſtrigymnasij iuuentus recitatis versibus gra-
tulata eſt. Idē honor eſt habitus Cardinali Ra-
diuillo, cū legatione apud Cæſarem perfunctus
in Poloniā rediret. Olomucēſium Episcopus
monasterium quoddam, quod multis annis in-
coluerāt alumni Pontificis, & conuictores non
pauci, cum repentibus dominis reddi iussiſſet,
aliani &dem domumque assignauit, ne tot
adolescentium studia optimorum languescere
pateretur. Et sane magna eſt viri amplissimi
erga

erga Deum pietas, & in Societatem beneuolentia: declarauit illam proxime, cum Sodalitati beatæ Annæ, quæ lectissimis ciuibus constat, quo minus præficeretur, non recusauit: hæc vero, cum maiorem fecit hortum nostrum suburbanum adiecto angulo proximo, qui illum deformabat, eiusque domino voluit alterum tatum ex sua ipsius possessione remetiri: paruum fortasse hoc, sed non obscurus cumulus maximæ liberalitatis.

MISSIO VRATISLAVIE N S IS.

QVANTO nostri Vratislauia ardentius procurant salutem animarum, hoc magis aduersarij viribus impares, dolo pugnant: sed malitia maximam partem veneni sui bibit. nuper composita est fabula, cuius, quod facile fuit, absurditate detecta, nobis parauerunt famam, sibi infamiam: sparserunt in vulgus, maiores sermone hominum quam fide, Iesuitam in templo summo, cum Canonicis coram, populoque vniuerso, velitaretur summa contentione pro cultu imaginum, omnibus qui intererant, videntibus, & opem ferre non valentibus, abruptum e suggestu a dæmonie horribili, cum interea infelix miseros cieret eiulatus, seque & doctrinam suam tarde accusaret: ut esset alijs exemplo. quis putaret tam crassum mendaciū non statim explosum iri? vagus primum, & va-

L rius

rius rumor, mox ne parce mentirentur, interfuisse se quidam, & vidisse affirmabant, securi de facilitate credentium. at veritas tacita se ipsa defendit, donec falsa quæ nuntiabantur, & in deterius credita, tempore, ac spatio vaneferent. Sed audax est natio hæreticorum, & contentionis cupidior, quam veritatis. Luthe ranus quidam Minister a politico magistratu ad pseudoepiscopale fastigium electus, male dictis iaciendis aduersus doctrinam Esauitarum (ita ab his corruptoribus non tantum rerum, sed etiam verborum, dicimus Iesuitæ) præclara posuit fundamenta dignitatis suæ. et quoniam admonemur respondendum stulto iuxta stultitiam suam, ne sapiens sibi videatur, sacerdos noster, a referendis abstinentis male dictis, quæcumque aduersus doctrinam dicta essent, vehementer, & grauiter pro concione refutauit: id penetrauit altius aduersariorum animos, & aperte querebantur certari conuicijs, discordias seri responderunt Canonici, id quod res erat, nihil esse dictum a nostro non moderate, nihil aduersus hominem, sed tantum pro causa: nihil quod non lenire potius quam asperare cuitquam animum posset. et missi sunt tabelliones publici, qui exciperent conciones, celeritatem lingua manu sequente: repertumque est, rem ipsam cum Canonicorum sermone conuenire. post nubem illam apparuit Sol illustrior: multique cum ad nos accessi-
fent

sent iuuenes studiosi, hæresim eiurarunt: atque
in his duo non solum hæreticam scholam, sed
domum etiam, ac parentes ipsos deseruerunt,
vt a nostris informarentur. In vniuersum, hoc
anno Ecclesiæ restituti triginta: in quibus in-
tegra familia, raro admodum exemplo. Vidua
quædam hæretica filiam miserat in cœnobium
virginum; donec adolesceret, instituēdam: pau-
cis post annis viro despondit: reluctatur virgo
obiectu votuæ virginitatis: sed vi tandem vi-
eta, seu verecundia, conticuit: nec distulit ultio
diuina: corripitur morbo ita gravi, vt inter
summos cruciatus corporis mortem non me-
tueret, sed optaret. rigor dein occupat omnes
neruos, vt carens vsu membrorum, hoc a mor-
tua interesset, quod traheret animam moribun-
da: multis post diebus recepit sensum loquen-
di: et ad matrem. Tu vero mihi, inquit, causa
omnis, & origo es mater præsentis doloris, quæ
vitam mihi ereptum ibas, vt me a sancto propo-
sito detrusisti. at illa procumbens in genua: ne-
que enim est facile orationem inuenire: cum
contradici non potest: se filiam vouet, ubi pri-
mum conualuerit, sanctissimæ Trinitati inter
sacras virgines consecraturam. o maximâ vim
Catholicæ religionis, intra duas horas a voto
concepto, virgo dolore omni morboque libe-
ratur. Ergo illa in cœnobium virginum, mater
in cœtum Catholicorum recepta. Ceterum die
anniuersario Domini reuiuiscentis, in hac par-

AD 1113

L 2 ua

ua insula, diuino epulo refecti quadringenti, e
quibus tantū quinquaginta unus aut alter, præ-
bente Parocho, sub vtraque communicarunt: li-
cet hæretici Ministri tota vrbe non exigui nu-
mero dominantur. visitati infirmi, & muniti,
cum opus fuit, viatico: impetratæ eleemosynæ
pro pauperibus. nutantes in fide erecti. qui mul-
tis milliaribus ad nos venerunt causa sacra-
mentorum, liberaliter habiti, & pie instructi. di-
scordiæ sublatæ. libri damnatae superstitionis
sublati. distributi Catholici multorum conuer-
sionii. reconciliatus vir magni nominis Societa-
ti aduersus. concubinæ aliquibus extractæ. A-
ctum cum diuersis curionibus, vt suo munere
diligentius fungantur, & tradendæ doctrinæ
Christianæ libentius insistant.

COLLEGIVM GRECIENSE.

DA T V R opera, vt iuuentus doctrinæ, &
pietatis armis instruatur ad rem Catho-
licam promouendam: vt perfidiosorum cona-
tibus eatur obuiam, & errantes oues ad gre-
gem Domini reducantur. non enim solum pu-
blice pro concione disputatur contra hæreti-
cos, & imperiti in fide instituuntur, sed etiam
inserunt se nostri in eorum scholas, ex occasio-
ne inscitia redarguendæ. cum ipsi contra ad no-
stras etiam inuitati venire cunctentur. Porro
ad Catholicam religionem reuocati quinqua-
ginta

ginta quattuor. de aliquibus eorum hæc pauca dicenda. Vnum ex illis Deus conuertit clementi quadam violentia, timore iniecto: cum enim adhæsisser pellici, neglecta vxore, dæmonem videre visus primum quidem in equi hinnientis, mox in imagine suis lutulētæ. hoc viso territus cum configisset ad preces, & ad propositum vītæ melioris, atra illa species ignem eructans fauibus, atque odorem tærrimum post se se reliquens, euanuit. igitur a sacerdote nostro expiatus, & in gratiam cum Ecclesia reductus. Matrona quædam vidua hæresi nuntium missura labitur in morbum, quem cum cacodæmonum Ministri ascriberent voto concepto, morituramque breui prænuntiarent, & caritoram honore sepulturæ, non deseruit tamen incep- tum: a Catholico enim presbytero munita sacramentis, vt primum potuit delata est Gre- cium ad sororem, vbi & vberius instructa a no- stris, haberi perinde potest patientiæ, vt perse- uerantiae exemplum: nam, et si penitus amisit vi- sum oculorum, summa perfruitur mentis tran- quillitate: vt facile agnoscas non longius abe- se clementissimum Deum ab ijs, qui corporis miseras æquo animo ferunt. Extra urbem simi- liter non instrenue laboratum. Triginta saluta- ribus monitis rectam vitæ rationem edocti. Cū parochus abesset ab oppido, operæ suæ vicariā fidem sacerdos noster supposuit per duos men- ses: et extitit multiplex fructus: ille quidem

L 3 memo-

memorandus, quod frequenti concione persuasum populo, ut ne ante missionem discedatur a sacro audiendo: cum antea post consecrationem ipsam faceſſerent templo. Quod attinet ad ſcholas, magna huius gymnasij fama remotas etiam in gentes: ita ex Italia etiā Poloniaque mittuntur, qui nobis dent operam non mediocri ſumptu. hoc anno tertia Philoſophiæ classis adiecta. Sereniffimorum Principum erga nos benevolentia declarata, tum compluribus argumentis, tum maxime illo, cū ſemel præter omnem expectationem nostram cum tribus liberis apud nos, & nobifcum, eſſe voluerunt de cœna, quam ipſi miferant lauifimam, vt noſtris etiam ſupereret. actioni de ſupremo iudicio iterum editæ, non ſolū interfuere ipſi, ſed omnes etiam ſumptus neceſſarios libentiffime ſubminifrarunt. Patrem prætereſea Cardanæum grauiter decumbentem aliquoties viſitarunt. Quin et aliquando cum ciues primarij ſuafu hæreticorum obtulifſent ſereniffimo Principi libellum probofum in noſtros, ipfem et calumnias diluit ſua ſponte: vt optanda fere fuerit criminatio, quæ teſtimonio iudicis nihil haberet propositi, præter contumeliam, & voluntatem nocendi. Idem inutilem illam ciuium libertatem liberos ad hæreticorum ſcholas mittendi, vt ea diſcerent, quæ ſi ſcirent, dedocendi erant, graui multa repreffit: multaque alia decreuit ornamento

. 1005.01

g J

adiu-

adiumentoque Catholicæ religionis . Cum Aldobrandinus Cardinalis e legatione Romā rediens huc diuertisset , a serenissimo eodem Principe deductus est in gymnasium, exceptus que a discipulis apposita oratione, cui ipse statim paucis respondit , vt facundum , & sapientem virum decebat , cum insigni commendatione Societatis.

F V R S T E N F E L D E N S I S ,
& Poetouiensis missiones.

IN M I S S I O N E Furstefeldensi Pater Michael Cardanæus, principio anni , perficit , vt & reliqui ciues qui anno superiore expiari Catholico ritu non potuere, expiarentur , & sub altera specie communicarent : vt denique Parochus præficeretur populo, qui eum locum impleret : iuit deinde mandatu Principis in ciuitatem vicinam Hartpergensem , perutillem ibi operam nauaturus . id vt fieret commodius , Princeps per id tempus , iudicem quēdam , qui deterreri non poterat , vt abstineret ab vſu calicis , magistratu abire iussit : duos Senatores loco mouit in eadem pice hærentes : huc igitur cum Cardanæus venisset , Deo duce , facile quod voluit impetravit : conuersi omnes ad legitimū communicandi ritū , vno , aut altero excepto , qui relictī veluti testes superioris cōsuetudinis . His duabus ciuitatibus ab hæresi

L 4 purga-

purgatis, Poetouium contendit: ea est vrbs ve-
tus, & nobilis ad Drauum fluum sita: in qua
pauciores inuenit Catholicos communi opi-
nione: igitur vt hos quoque adduceret ad ve-
ritatem, nunc paucos, nunc plures alloquendo,
nunc priuatim, nūc publice, sic egit, vt sedecim
redirent in viam: ab his initijs Grecum pro-
fiscitur negotio exposcente: sed in itinere
oppressus morbo, ad Catholicum virum nobi-
lem cum diuertisset, & spes parua subesset sa-
lutis, de medicorum consilio in Collegium le-
ctica relatus, paulo post Ecclesiasticis instru-
ctus sacramentis defungitur: magnum fuit
morti decus Catholicorum mæstitia.

DOMVS PROBATIONIS B R V-
nensis.

GRANDE documentum constantiæ de-
derunt, præter ceteros, Nouitij duo, quo-
rum alter matris lacrimas, quibus adiungebat
& preces, coram Olomucensi Episcopo suam
causam agentis: auiæ alter munera magni pre-
tij per minorem fratrem transmittentis clan-
culum, neglexit: facile enim contemnit omnia,
cui Deus vñus est omnium loco. et quamquam
hic proprie Tyrones informantur, excurrere
tamen subinde in proxima loca, vt perspici
posset, quid legitimo tempore essent effecturi.
factum est illorum opera, vt e rusticis multo
plures

plures in templo nostro , quam alijs annis , sa-
cramenta frequentarint . secundum Paschales
ferias vrbanorum rusticorumque confessiones
auditæ amplius mille quadringentæ : exceptis
interim pagis nostræ ditioni subiectis . non agin-
ta octo ad communionem , viginti quattuor ad
religionem Catholicorū traducti . publicas ad
custodias itum frequenter , ijsque consultum ,
qui damnati capit is tradebantur in carnificis
manus : nonnulli ante supplicium hæresi libera-
ti . ex oppido propinquo praua quædam consue-
tudo , qua statu die conueniebat in vnam ædem
omnis ætas , ac sexus , sine vlo discrimine , nec
sine periculo animarum , cum pio & prisco sin-
gulis diebus post meridiem . Deum orandi vſu
commutata . Cum viris quibusdam primarijs
actum est , vt festo die Paschæ , alij dent prandiu-
domi pauperibus : alij ad eos mittant , vel in ho-
spitalem domum : alij denique administrent :
pro suis qui que facultatibus , aut captu : magna
cum admiratione hæreticorum , qui alioqui nō
nisi sua mirantur . Desertores duo religionum
ad sua castra reducti . Diuersorum præterea or-
dinum religiosi , qui a Societate nostra erant a-
nimo alieniore sine vlla causa , ita se nobis red-
diderunt , vt iam solo habitu sint a nobis diffe-
rentes . sub Pascha missus fæcerdos vnu s e no-
stris Nicolsburgum , mirum quam multorum
fuerit vtilitati . trecenti amplius confessi : visi-
tatæ aliquot familiæ Anabaptistarum fere nul-

lo cum fructu, sed cum spe nonnulla aliquorum conuersionis: apparuit imperitia ipsorum, cum ad obiecta quædam respondere non possent. ex eorum numero resipuit vir alioqui insignis follertia, & ætate venerabilis: inuisi præterea pauperes in xenodochio, refectique muneribus Societatis. Vocatus etiam alter ad oppidum Brunæ proximum alta hæresi immersum, ut adesset mulieri Catholicæ de qua medici desperauerant: quæ tamen, ut rite instructa est supermis sacramentis, conualuit cum admiratione multorum: ex occasione factum sacrum quod iamdiu erat fieri desitum: interfuerunt circiter quadraginta: nec defuerunt qui permoti oratione sacerdotis se contulerunt Brunam, peccatorum maculis eluendi. sed nos ad Collegium reuertamur. Discipulorum numerus in dies augescit: eluent maxime qui Dei matrem patronam habent. Ceterum in hac vrbe vir quidam & mulier post purgationem peccatorum, Eucharistiamque rite perceptam, obsidione dæmonis liberati. sed ratio liberanda mulieris, quoniam difficilior fuit, in mediū proferetur. Igitur mulieri cuidam, diabolus nunc in auis, nunc in canis, nunc in pueri faciem fæde conuersus, ita sæpe spectandum se exhibuit, ut et si primum terrori esset, assidua tamen confuetudo si non amorem concinna rit, demperit metum. nec defuere a diuersis machinæ diuersæ ad arcendum hostem: sed elu debat

debat omnes vetus vincendi : demum a primarijs ciuitatis ad ferendam afflictæ opem accersimur: ergo primum ad alligatur collo consecrata in cera effigies cœlestis agni: id adeo indigne tulit obsecenus amasius , vt magnoperre timuerint domestici , ne ipsamet resticula e qua amuletum pendebat, obstricto collo, excluderet spiritū: additur iteratis vicibus aqua lustralis, aliaque id genus expertæ virtutis: ipsa denique communitur Catholicis sacramentis, a quibus antea abhorrebat: irritata ob hæc magis rabies canis inferni, priuat miseram omnivsu membrorum : impingit caput in parietem, nisi accurrerent familiares, utique diffingendum: sublatam e lecto projicit nudam in medium hypocaustum : mulieris interea sanguinei rubent oculi, spumat os, turget lingua: ut omnibus, qui eam sustinerent intueri, aspectu peræque miserabilis, ac terribilis esset: suafu nostrorum instaurantur præsidia, & solidantur propugnacula diligentius: dum ad extremum occluso omni aditu impotens animi diabolus abscessit: neque amplius redintegravit pugnam . hoc spectaculum Catholicis multis, qui natura curiositatis humanæ accurrerant cupidine visendi, admirantibus factum, simulque gratantibus, ut in fide magis firmarentur, occasio fuit.

COL-

COLLEGIVM CRVMLOVIENSE.

STERILE solum est Crumloviense, iamdiu
scilicet incultum, fructus tamen vberior
speratur in messe, quam in segere promittat: et
fuit laboris nonnullum solatum. ex errorum
tenebris ad veritatis lucem euasere decem.
Quidam qui dolore acceptæ iniuriæ malo se
dæmoni deuouerat, certus illius, vsque ad mor
tē inimici, vel si ita res ferret, vlique ad suā, per
sequendæ nostrorum opera, & cum inimico, &
cum Deo, & cum Catholica religione reconciliatus
est, summo gaudio piorum qui ad nos il
lum adduxerant. inimicitia præterea graues,
ac diuturnæ sedatæ. pecunia dolo malo possessa
ad veros dominos redijt. Scholasticorum, vt in
dies singulos, numerus, ita, & pietas crescit.
Collegij ædificatio absoluta. breui dabitur ini
rium templo extruendo. Hæc domi: foris ve
ro maiore lucro sudatum est. Toparcha qui
dam studio fidei Catholicæ restituendæ, oppi
danis licet renitentibus in quibus dominaba
tur, cum amantibus monitis nihil proficeret,
aut pœnarum metu, præsidio implorato ab
Røsembergico Principe illustrissimo, nostros,
libentibus animis, ad eam prouinciam desti
nauit: non irrito labore: breui pijs adhortatio
nibus effectum, vt septingenti hæresim alta
voce abnegarint, seque cum Ecclesia coniunxe
rint:

rint: alij centum viginti, qui erant Catholici, peccata confiteretur ea res bonos lætitia, malos siqui adhuc supersunt (fit enim, ut extra legem viuentes, quicquid meruerunt semper expectent) dolore primum, mox etiam timore affecit.

MISSIO TVROCSIENSIS ET Scelliensis in Hungariam.

ETSI IN HVNGARIA non dum scholæ apertæ, dum expectatur locus a Cæsare decernendus, socij tamen a concionando, tradenda doctrina Christiana, visitandis ægrotis, pueris erudiendis, alijsque operibus pijs, numquam cessarunt: quibus rebus effectum est, ut maxima pars subiectorum, qui ante aduentum Societatis in hæc loca, erant hæresi infecti, reiectis erroribus, contulerint se ad frequenta Ecclesiæ sacramenta, & plerique adducti ad percipiendam Eucharistiam, vñ calicis prætermisso: adeo vt in paruo quodam vico, vbi solum familiæ quindecim, numerati sint super triginta, qui peregerunt confessionem totius vitæ: ita singulis Dominicis, non desunt, qui sacrosanctis mysterijs operentur. ceterorum segnitiem castigauit viri cuiusdam exemplum, qui cum ægre adduceretur ad confessionem, sine viatico decessit: stimulos addidit puella ægrota, quæ cum vim morbi ferre non posset

posset, recitanda doctrina Christiana, alijsque
precationibus quas didicerat, inuocanda san-
ctissima Virgine, multisque Cælitibus nomi-
natim, adhortanda matre, vt & ipsa preces con-
iungeret, placidissime obdormijt. in alio pa-
go aduersus hæreticos ita vehementer concio-
natus est noster, vt magnam illis offenditionem,
& contemptionem ad omnes paganos attule-
rit: iam perpeti se dicunt malle extrema om-
nia, quam cum hæreticis quid rei commisce-
re: frequentes adeunt ad rem diuinam: sed cum
eorum templum per incultum, & negligentiam
horridum squalidumque, in debitum nitorem
lucemque restituere placeret, atque ea de re
egisset Pater, tantus animorum securus est mo-
tus, vt mulieres detracta sibi amicula e corpo-
ribus, e capitibus tegmina, cotulerint: viri præ-
terea, tenue vulgus & ignobile, pro se quisque
pecuniolam, aut munusculum aliquod operi fa-
ciendo. Aquæ benedictæ utilitas, & usus cum re-
ligione auctus. In oppidulo quoque, & adiacen-
tibus pagis, non minor extitit fructus. suppli-
cationes litanij recitandis die festo Sancti
Marci, triduoque ante Domini Ascensum, quæ
exoleuerant, instauratae. erat videre e vicinis
pagis agmina per sexum & ætatem disposita, in-
cedentia sub Crucis vexillo, ad designata tem-
pla, cum cantico, rudi quidem & agresti, sed
quod nouum indicaret continentium studium,
cum iucunda voluptate. Progressi etiam sumus

in

in

in vias locosque omnes, qua patet ditio Societatis, restituēdis Crucibus, quas hæretici deiecerant. fremunt ipsi videlicet, multumque laborant in labenti populo retinendo: sed spes est fore, ut si diutius hæreamus in his locis, hoc quoque labore liberentur. excurritur similiter in alios pagos diebus festis explicandæ doctrinæ. fitque interdum, vt vno die explicitur decem in locis, seu concio habeatur. atque hæc de pagis vectigalibus: nam ad alios difficile patet aditus: & sunt animo obstinatiore: sed tamen intentati a nobis non relinquuntur. Concionati sumus interdum: quod si non probarunt nostram fidem, non improbarunt eruditionem: et nobilium familiaritate utimur, e quibus non nulli ad religionem reducti Collegium expectunt. Accidit quodam loco res commemoranda. nobilis quidam paterfamilias miserat operarios in agrum die sacro sanctissimæ Eucharistia: neque id quidem obliuione, sed contemptu: mirum dictu, eadem hora, coorta tempestas horreum eius fulmine succedit: quo incendio, et vicinorum trium ædes conflagraru. Nimirum vult clemetissimus Deus non solum mortalium vocibus, sed etiam cælestium (quid enim aliud prodigia, & signa?) adimere hominibus omnem excusationem non immutatae voluntatis.

GER-